

# Nagina influenza directa

La regenza na vesa nagina basa legala per influenzar la strategia d'investiziun

■ (anr/ac) La regenza grischuna n'ha nagina influenza directa sin la strategia d'investiziun da la Cassa da pensiun chantunala. Ella fa dentant part da la cumissiun administrativa sco represchentanta dals patrunz. Quai resulta dad ina resposta sin ina dumonda dal deputà Beat Deplazes (ps, Cuira). En sia dumonda inoltrada a chaschun da la sessiun dal cussegl grond dal favrer passà ha il deputà Beat Deplazes vuli infurmaziuns da la regenza grischuna davart la strategia d'investiziun da la Cassa da pensiun dal chantun e sch'il daners da la cassa vegnian investids en objects ed instituziuns che promovian la midada dal clima. En la resposta fa la regenza grischuna attent a las stentas da la legislaziun federala da de-politisar las instituziuns da preventiun dal dretg public idas en vigor l'onn 2011/12. Ina regulaziun che na laschia betg spazi a la regenza dad influenzar directamain la direcziun, respectiv la strategia d'investiziun da la Cassa da pensun dal chantun. La scheffä dal departament da finanzas e vischnancas fa dentant part da la cumissiun administrativa sco represchentanta dals patrunz. A quella cumissiun administrativa da diesch persunas, tschintg represchentants dals patrunz e tschintg represchentants dals emploiadz,

posseda la represchentanta da la regenza ina vusch. En vista a l'importanza da la Cassa da pensiun dal chantun per ils collavuraturz dal maun public e per il chantun sez resguarda la regenza la represchentanza en la cumissiun per importanta e gista. E sco ella scriva en sia resposta stettia quella constellaziun en concordanza cun la lescha federala e chantunala. La regenza regorda a las investiziuns da la Cassa da pensiun chantunala succedidas gia baud en edifizis construïds tener il standard da minienergia. Vinavant ha la regenza fatg attent a las incaricas surdadas da la cumissiun administrativa a la direcziun da la cassa da sa fatschenzar cun investiziuns en portfolios dad acczias tenor criteris cumpatibels era cun aspect da la protecziun da la natira. Ella ha dentant accentuà l'importanza dad analisar tut ils ristgs finanzials or da vista da l'economia da manaschi e da na sulet sa focussar sin la midada climatica. E vinavant scriva la regenza che las formulaziuns legalas dal dretg federal pertutgant la strategia d'investiziun da las cassas da pensiun svizras che n'enconuschian berg ils terms «durabel» e «cumpatibel cun il clima». Sche talas formulaziuns sajan la fin finala raschunaiylas stoppia il parlament federal decider, scriva la regenza en sia resposta.



La regenza grischuna na vesa nagina pussaivladad dad influenzar las decisioñs d'investiziun da la Cassa da pensiun chantunala, scriva ella en ina resposta a la dumonda dal deputà Beat Deplazes (ps, Cuira).